



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Quæst. XII. Archipresbyteri.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Observare opus fuisset, pauca fieri verba de veris Primitibus in Jure; quod ibi dicitur de Primitibus, vulgo respicit Metropolitanos Afros, *Primates*, dictos, ratione Primæ Sedis in Provincia.

## Q U A E S T. I X.

Hic plura insignia Archiepiscoporum jura omessa sunt, videlicet, consecrandi Suffraganeos suos; confirmandi eorum Electiones; eos judicandi cum Concilio Provinciae; cogendi Concilium; ipsi praesidendi; admittendi appellationem ab illorum Sententiis; supplendi eorum defectum, maximè quoad Beneficiorum Collationem; gestandi Pallium in Provincia & Crucem erectam; visitandi Provinciam; Statuta visitationis confiendi.

**R E G U L A E II. & III.** convenienti Episcopis, qui eligi non poterant, nisi Diaconi essent, non secūs atque Archiepiscopis; &, sicut in eadem Provincia Duo Metropolitanū consistere nequeunt, ita neque duo Episcopi in eadem Diœcesi.

Idem est de REG. IV. nam Episcopi Provinciae concurrere debabant ad Consecrationem suorum Suffraganorum, sicut ad Consecrationem Archiepiscopi. Exceptio REGULÆ VI. includenda erat in *Regula*, hanc ita concipiendu. Suffraganei nihil extra suam Diœcesim facere possunt abique consilio & consensu Archiepiscopi, quoad negotia, quæ ad Provinciam pertinent.

Idem est de Exceptionibus VII. REGULÆ VII. reducuntur ad Regulam amplitudini, seu integrati debita restitutam; videlicet, Archiepiscopus nihil facere, potest, quoad negotia communia Provinciae, sine participatione Suffraganorum suorum. Ratio utriusque Regulæ est, quod Archiepiscopus ejusque Suffraganei Collegium, seu Corpus constituent, cuius commoda communia sunt; ille autem est ejus Caput, hi vero Membra. Ob rationem contrariam, Archiepiscopus immiscere se non debet negotiis peculiaribus Diœceseon Suffraganorum suorum; neque hi negotiis, illi peculiaribus; nihil quoad haec, inter eos commune est REG. VIII. quæ dicit, Archiepiscopum non habere Jurisdictionem in Diœcesanos Suffraganorum suorum; accipienda est de Jurisdictione immediata: namque mediana illi competit, quoties Suffraganei perperam utuntur Jurisdictione suâ in Diœcesanos, aut ipsa uti negligunt: inde nascuntur Jus Appellationis, ex cuius vigore citare, judicare & punire potest illos Diœcesanos; nec non Jus Visitacionis, quod complectitur facultatem illos corrigendi, si Ordinarius hoc neglexerit.

## Q U A E S T. X. de COREPISCOPIIS.

Posebat ordo, ut hic disputaretur de Episcopis, qui sunt Pastores primi Ordinis, ab iis diversi, quos in Questionibus precedentibus vidimus; vel remitteretur ad CAPUT VIII. in quo de illis differitur, una observando, nihil novi circa illos superesse, quia nihil habent, quod ad Superiores ipsorum, mox inspectos, non pertineat, & qualitates utroque distinguentes in Superioribus sunt, non vero in Episcopis. Quoad COREPISCOPOS, duplex eorum genus erat distinguendum. Alii erant Episcopi, sed ad ordinem & conditionem Presbyterorum redacti, quibusdam exceptis munieribus Episcopalis, quorum habebant exercitium in aliqua Episcopatus parte; scilicet, administratione Confirmationis, Collatione Ordinum Minorum, Praefecture & Jurisdictione in Parochos illius districtus, jure eos visitandi, consecrandi Ecclesiæ &c: quod in triplici casu accidebat; 1. Si Episcopi electi & consecrati ad quasdam Ecclesiæ, ab eis repudiarentur, aut ejercentur. 2. Si canonici consecrati non fuissent, quamvis rata foret Consecratio. Exemplum habemus in ARMENTARIO, Episcopo Reiensi, qui à duobus Episcopis fuerat consecratus: 3. Si Ecclesia Episcopalis ab Hæreticis destructa fuisset, aliisque Infidelibus,

Tom. I.

qui omnia Jurisdictionis Loca invaserint. Cæteri simplices erant Sacerdotes, constituti, ut certo Parochiarum numero invigilarent, inclusis Parochis perinde atque Incolis; quæ in re Successores habuerunt Decanos Rurales. Prima species Corepiscoporum abrogata fuit: altera hodie etiamnū subsistit, verum alio sub nomine.

Hujus distinctionis ope, facile exponuntur omnes Textus loquentes de Corepiscopis, & de eorum distinctione ab Episcopis: tales sunt, præ ceteris ii, qui laudantur in duabus Regulis hujus Questionis.

## Q U A E S T. XI. ARCHIDIACONI.

Autor loquitur de Archidiaconi, priusquam agat de Presbyteris; quamvis hi, ratione Ordinis, aliis sint Superiores, atque nonnulli de Archipresbyteris successerint Corepiscopis, qui immediate præcedunt; hac in re sequuntur *Decretalium Collectores*, qui *Titulum de Offic. Archidiac.* præmiserunt Tit. de Off. Archipresbyteri.

Sub REGULIS. XXV. comprehendit omnes facultates & Jura Archidiacorum. Enumeratione, quam tradit, sufficit ad perspicuam & distinctam notionem eorum, nec non eorum dignitatis: sed ordo non semper rectus est. Præmissis Nomine & Dignitate, loqui debuisset de eorum Electione, & continuâ serie disponere ea, quæ pertinent ad Facultates, & Officia Archidiacorum extra Ecclesiæ; ad Personas & Loca, in quæ Jurisdictionem habent; ad Jus visitandi eis proprium; ad missionem in possessionem Dignitatum & Beneficiorum; ad eorum potestatem circa Ordinandos; denique, ad eorum potestatem in Ecclesiis.

REG. VIII. contraria videtur *Decima*. Prior jubet, ut Visitationem faciant unoquoque triennio: Posterior vetat, ne eam plusquam semel quotannis faciant, quod insinuat, eos teneri ad visitandum singulis annis. Sed nulla est contrarietas; quippe prior intelligenda est de visitatione Diœceseos in nomine Episcopi; altera, de visitatione districtus eorum particularis, proprio eorum nomine. Vel, si qua sit, oritur ex usum diversitate.

Institutione corporalis, de quæ REG. XVIII. loquitur, continet missionem in possessionem, seu Intronisationem Abbatum, atque Abbatisarum; saltem haec duæ regulæ conjugenda erant.

REG. XXIII. quæ vetat, ne Archidiaco Dimissoria dent ad Ordines, conjungi debuissent REG. XIX. & XX. quæ illis attribuunt scrutinium Ordinandorum: eorumque Præsentationem Episcopo ad Ordines.

REG. XXIV. & XXV. præmitti debuissent *Tertia*: nam illæ de Electione & Ordinatione Archidiaconi loquuntur, haec autem de ipsis Jurisdictione.

REG. XIII. est æquivoca: insinuat, Archidiaconom habere Jus ordinandi Acolytos, *Ordinare*: æquivocatio haec abest à Textu, qui significat, officium Archidiaconi quoad Acolytos, esse assignare munus suum singulis; unius Candelabrum; alii Thuribulum &c. tradendo. Regula haec una est ex iis, quæ respiciunt potestatem & Jura Archidiaconi intra Ecclesiæ. Cæteræ sunt XI. & XII. Haec tres Regulæ ad calcem rejicienda erant; ideo quod respirant interioris Ecclesiæ, quod pertinet ad Archipresbyterum: itaque, quod in eis dicitur, non tangit Archidiacos, nisi ex accidenti; videlicet casus, in quibus confuetudo ipsi ejusmodi facultates acquisivit, quæ, Jure Communi, sunt pars Officii Archipresbyteri, qui sequitur.

## Q U A E S T. XII. ARCHIPRESBYTERI.

Generatim dici potest, Autorem post exposita Archipresbyteri Nomina, duas species distinguere debuisse; alios Urbis, & maximè Cathedralis; alios Ruris, ideo *Rurales* dictos: referre qualitates his & illis communis; nempe, eos sumi debere è numero Presbyterorum, vel saltem Diaconorum, sub lege tamen, quod ad hosce, Ordinem Presbyteratus suscipiendi: observare munera illius communia; nempe, præsidendi Presbyteris, sive Curatis, qui probabiliter sunt ii, qui Cardinales in REGULIS VIII. & IX. vocantur.

Dd 3 idem

ideò quod essent præcipui Presbyterorum; vigilandi, ut hi Officio suo fungantur in celebratione Officii diuini & Missæ; benedicendi Fontes; admittendi Pœnitentes; administrandi Extremam Unctionem Curatis aliisque Sacerdotibus ægrotis: tūm colligere munera peculiaria Archipresbyteri Cathedralis; nempè, faciendo, absente Episcopo, quod Episcopus in hac Ecclesia fecisset, si fuisset præsens; imprimis celebrandi Missam solemnam, cūmque hoc munere fungitur Episcopus, curandi, ut Sacerdotes ipsi interficiat, ad obeundas functions, quas iis assignaverit; denique munera specialia Archipresbytero Rurali; nempè, visitandi Parochos sui districtus, emendandi mores, & tollendi corruptelas à Sacerdotibus, aliis Clericis & Plebe. En observationes generales, quarum ope disponi & enucleari possunt REGULÆ XII. hujus Quæstionis. Ecce observationes speciales. Dicimus in Primam, quod, secundum GONZALEM in Cap. 1. de Offic Archipresb. & 2. Archipresbyteri nomen Decanorum acceperunt, ex eo quod in Locus frequentibus 10. Presbyteris præficebantur.

Dicimus in Tertiam, eudem Autorem ibid. num. 1. probare, hoc Caput Concilio Toletano attributum, desumptum esse ex Epistola S. ISIDORI ad LEUDIFERUM & hæc verba; ut Archipresbyter sciat, se subesse Archidiacono, in illa deesse. (Plures alii ante & post illum annotaverunt, hanc Clausulam adjectam fuisse per manum Archidiaconorum amicam) & num. 3. ostendit, subjectionem Archipresbyteri Archidiacono, contraria esse Canonibus & rationi, & fuisse introducram per usum provenientem ex hujus autoritate in Temporale, cuius ratione Archipresbyter ab eo pen-debat, & Canones vetuissimos, quibus hic usus confirmatur, ex Conciliis, aliisque monumentis Hispanicis fuisse desumptos.

Notamus in Quartam, Textus dicentes, Archipresbyterum vices Episcopi gerere absentis, aut impediti, loqui de Archipresbytero Cathedrali: & per munera ipsi, sub illo respectu, attributa, distinguuntur Canones, qui de illo loquuntur, ab aliis, qui de alias Archipresbyteris sermonem faciunt.

Dicimus in Quintam, eam duobus verbis munera & Jura Archipresbyteri comprehendere; Praef. Presbyteris & Presbyteralibus Officiis. Collocari debuissent in fronte Regularum, in quibus de illis muniberis differunt: alia Regulæ simul juncta exponunt illius sensum.

In Sextam, Archipresbyter Officio divino præficitur, ut Collectam five Orationem pronuntiet.

In Septimam, Cùm sit Sacerdotum Caput, ipse præficit Ordinem Communionis in Missa solemni Episcopi, aut suâ.

Dicimus in Octavam, Nonam & Decimam, quod propter eandem rationem invigilet corum moribus, publicam celebret Missam, eam-ve committat in præfusi Festis: statuat Officia Sacerdotum in Missa Episcopi. Verbum hoc Missificante, notabile est, propter vim suam & energiam.

In Undecimam, legendum esse Textum laudatum, in quo manera, quæ illa enumerat, cum suis circumstantiis referuntur.

Duodecima sola est, quæ mentionem expressam faciat Archipresbyteri Ruralis, & aperit originem nominis, Plebanus, Archipresbyterum denotantis, & ex eo ducti, quod præsit numerosæ Plebi, à pluribus Curatis gubernatae.

#### QUÆST. XIII. PRESBYTERI.

Autor hic multas congerit Regulas, quæ ad sequentem Quæstiōnem de Parochis pertinent. Talis est Quinta, quæ dicit, Presbyteros esse Senatum Episcopi; Decima, quæ jubet, Sacerdotem Plebis regimini præpositum, habere secum Clericum, à quo in Cantu, aliisque muneribus, adjuvetur; Undecima, quæ prohibet Sacerdotem, ad Missam suam alienum Paracianum admittere; Decima Septima, quæ jubet, ut

Presbyteri Sanctum Chrisma ab Episcopo accipiunt: Viceima Secunda, præcipiens, ut Sacerdos Hoffias paratas habeat semper in ægrorum usum: Viceima Tertia, constitudos esse Presbyteros in Castellis, Opidulis, & Pagis, unde ab Episcopis differunt, qui foliis Civitatibus præficiendi sunt: Viceima Nona jubens, ut Episcopus Sacerdotem ordinans, ei tradat Rituale, Librum Curiale.

Ordinando Regulas, quæ simplices Presbyteros respiciunt, post expositum eorum nomen atque ejus originem, loqui debuissent de illorum Ordinatione. Ideoque Secunda subjecere immediatè potuisset REGULAS XXII. I. XXIV. XXVII. XXVIII. XXIX. quæ Ordinationem spectant, & dicunt, Sacerdotium non esse conferendum viro non baptisato, neque Subdiacono; Presbyterum Stolæ indutum esse debere in sua Ordinatione; Episcopum ei manus imponentem Orationem fundere debere; item debere ei tradare Libellum Officiale, quo intelligi potest tam Missalis, quam Rituallis, & tunc ceremonia hæc convenit Ordinationi simplicis Sacerdotis.

Loqui deinceps opus erat de ejus Obligationibus; videlicet, servandi continentiam, gerendi Stolam, non assistendi secundis nuptiis, dandi monitiones vite. Harum fit mentio in Reg. III. IV. XII. XIII. XIV. XX. XXI.

Tunc, de Functionibus, quæ illis præcipiuntur, aut permittuntur, aut interdicuntur. De his differtur in REGULIS VI. VII. VIII. XVI. XVII. XIX. quæ eum prohibent consecrare Virgines, Chrisma conficerare, Pœnitentes publicos absolvere, Altaria consecrare, benedicere Populo, confirmare Pueros, Episcopo præsente offerre, & distribuere panem santicatricum in eadem circumstantiâ.

Inter hæc munera prohibita, primum licebat, cum ei assentiebatur Episcopus. Can. 2. CAUS. XXVI. QUÆST. VI. quem Autor laudat REG. VI. idem erat, quoad reconciliationem Pœnitentium Can. 14. CAUS. XXVI. QUÆST. VI. hæc etiam licita erat abente Episcopo, si cogeret necessitas, idid. licebat Sacerdoti prædicare, etiam præsente Episcopo Can. 6. QUÆST. IX. qui plurim aliorum Munerum Sacerdoti concessorum facit mentionem. Idem est de Can. 6. ibid. & Can. 24. DIST. XCIV. dicente, Presbyterum validè facere quidquid facit Episcopus, excepta Ordinatione, quod restringendum est ad eos Ordines, quæ sunt Institutionis Divinae.

Idem dicendum quod omnia munera, quæ Sacerdoti, non nisi præsente Episcopo, interdicuntur; nam Canones, qui hanc circumstantiam notant, adjicunt, contrarium obtinere Episcopo absente: vel saltem id indigitant.

Quod munera præcepta, dicendum est, hujus generis esse omnia, ad quæ adstringuntur, per suum Ordinationis Titulum; nempè Missam celebrare, Confessiones excipere, baptisare, Extremam Unctionem dare, Communionem administrare, aliaque similia, ad quorum nonnulla, Episcopi approbatione indigent.

Quod insinuat ab Autore REG. VI. Presbyterum Sanctum Chrisma, consentiente Episcopo, conficerre posse; repugnat Canoni laudato, qui contrarium expresse afferit.

#### QUÆST. XIV. CURATI, seu PAROCHI.

Jungenda sunt huic Quæstiōni Regulæ præcedentes, quas ostendimus ad hancce pertinere. REGULÆ V. hic collectæ eximia sunt, respiciuntque dotes, quas illi Provisionis sua tempore habere debent, nempè, Subdiaconatum, 25. annos inchoatos; ipsorum obligationes, quarum prima est residencia; promotio ad Sacerdotium intrâ annum sub poena amissionis Parochiæ, extrâ Casus dispensationis, aut legitimi impedimenti. REG. IV. loquitur de hac obligatione, & quinque Exceptiones habet, quæ ad duas prefatas rediuntur. Prima Exceptionum Autoris cadit in poenam